

## **Wolayta - Agape Xoossa - God's Love Letter Scriptures**

**Yohaannisa 15:9 Aawai tana siiqidoogaadan, taanikka inttena siiqaas; ta siiquwan de7ite.**

**Isiyaasi 43:1,2 - Efisoona 2:10 Aissi giikko, nuuni Xoossa mereta; i nuuyyo kasetidi giigissi wottido lo77o oosuwaa nuuni oottanaadan, Kiristtoos Yesuusa baggaara nuna medhdhiis.**

**Ermmaasa 1:5 - Galaatiyaa 1:15 Xoossaayyo merinaappe merinaa gakkanaassi bonchchoi gido. Amin77i.**

**Yohaannisa 15:16 Taani inttena dooridoogaappe attin, intte tana dooribekketa. Intte biidi aifiyaa aifana mala, taani inttena sunttaas. Qassi Aawaikka intte ta sunttan woossidobaa ubbaa immana.**

**3 Yohaannisa 1:2 Ta siiquwau, neeni ayyaanan lo77o gidiyoogaa taani eriyoogaadan, nena aibinne waissenna malanne qassi neeni payya de7ana mala, Xoossa woossais.**

**Isiyaasi 43:4 - 1 Pheexiroosa 2:9,10 SHin Xoossai xumaappe garamissiya ba poo7uwau inttena xeesiis; intte a ooratta oosuwaa yootanau doorettida zare; intte kawo qeeseta; geeshsha asanne Xoossaassi buzo asa. 10 Intte kase Xoossa asa gidekketa; shin ha77i intte a asa; intte kase maarotettaa ekkibekketa; shin ha77i maarotettaa ekkiideta.**

**Ermmaasa 31:3 - Efisoona 1:4 Nuuni a sinttan geeshshatanne pokkoi bainnaageeta gidana mala, Xoossai nuna sa7ai merettanaappe kase, Kiristtoosa baggaara ba siiquwan dooriis.**

**2 Ximootiyoosa 1:9 9 Xoossai ba qofaaninne ba aaro kehatettan nuna ashshidi, ba asa oottanau xeesidoogaappe attin, nuuni oottido oosuwaa gishshau gidenna. I ha aaro kehatettaa Kiristtoos Yesuusa baggaara wodee doomettanaappe kase nuuyyo immiis.**

**Yohaannisa 3:16 Xoossa Na7aa ammanni ubbai merinaa de7uwaa ekkanaappe attin, xayenna mala, Xoossai ha sa7aa keehi siiqido gishshau, ba mexi issi Na7aa immiis.**

**Hoosea 11:8; Isiyaasi 49:15,16; & Isiyaasi 41:13,14**

**Luqaasa 12:32 Amarida dorssa wudiyau, intte Aawai ba kawotettaa**

**inttessi immanau ufaittiyo gishshau yayyoppite.**

**Maatiyoosa 28:20 Taani inttena azazidobaa ubbaa eti naagana mala,  
eta tamaarissite; taani wodiyaa wurssettaa gakkanaassikka ubba  
wode inttenaara de7iyoogaa akekite” yaagiis.**

**Yohaannisa 14:1 Yesuusi erissiyo ashkkarata, “Intte wozanai  
hirgoppo; Xoossaa ammanite; tanakka ammanite.**

**Mazamure 23:1 - Yohaannisa 10:11 Taani dorssaa loitta  
heemmiyaagaa; dorssaa loitti heemmiyaagee he dorssatu gishshau  
haiqqees.**

**Mazamure 23:2 - Ajjuutaa 7:17 Aissi giikko, kawotaa araataayyo  
gidduwan uttida Dorssai eta heemmana. De7o haattaa  
pulttuwaakkokka eta kaalettana. Xoossaikka eta aifiyaappe afutta  
ubbaa quccirggana” yaagiis.**

**Mazamure 23:3,4 - Luqaasa 1:79 he poo7oi nuna sarotaa ogiyaa  
kaalettanau, xumaaninne haiquwaa kuwan de7iyaageetussi  
poo7ana” yaagiis.**

**Mazamure 23:5,6 - 2 Qorontoosa 1:10 Xoossai hagaa mala iita  
haiquwaappe nuna ashshiis; i nuna ashshana; sinttappekka i nuna  
ashshana giidi, ufaissan naagi uttida.**

**Piliphphisiyuusa 4:7 Qassi asa eratettaa ubbaappe aadhdhiya Xoossaa  
sarotettai intte wozanaanne intte qofaa Godaa Yesuus Kiristtoosa  
baggaara naagana.**

**Leemisuwan 3:24 & Mazamure 4:8 - Yohaannisa 14:27 Taani  
sarotettaa inttenaara wottais; ta sarotettaa intteyyo immais. Taani  
sa7ai immiyo sarotettaa malaa immikke. Intte hirgoppitenne  
yayyoppite.**

**Mazamure 33:18 - 1 Pheexiroosa 3:12 Aissi giikko, Godaa aifee  
xillotukko xeellees; qassi i ubba wode eta woosaa ezzgees. SHin  
Godai iitabaa oottiyaageeta ba hanqqa som77uwan xeellees”  
yaagees.**

**Roome 5:2 qassi i nuna ha77i nuuni de7iyo Xoossaa aaro kehatettaa  
giddo ammanuwan ehiis; yaatin, nuuni Xoossaa bonchchuwaa  
shaakkanau nuuyyo de7iya ufaissan ceeqettoos.**

**Isiyaasi 55:12 - Luqaasa 19:40 Yesuusi zaaridi, “Taani intteyyo odais;  
hageeti co77u giikko, shuchchaikka waassana” yaagiis.**

**Yohaannisa 16:22 Hegaa gishshau, inttekka intte wozanan hirgeeta;  
shin taani naa77antuwaa inttena be7ana; qassi intte wozanai**

**keehi ufaittana; intte ufaissaa ooninne intteppe ekkenna.**

**Luqaasa 12:9 shin asa sinttan tana kaddiyaagaa taanikka Asa Na7ai,  
qassi Xoossaa kiitanchchatu sinttan a kaddana.**

**Maatiyoosa 10:30 SHin harai atto, intte huuphiyan de7iya binnaana  
ubbaikka qoodan de7ees.**

**Isiyaasi 54:10 - Maatiyoosa 24:35 Saloinne sa7ai aadhdhana; shin ta  
qaalai mulekka aadhdhenna.**

**Maatiyoosa 11:28-30 “Daafuranchchatoo, deexuwaa tookkiyaageetoo,  
ubbati taakko haa yiite; taani inttena shemppissana. 29 Taani  
ashkkenne wozanappe kauyyiyaagaa gidido gishshau, ta  
qambbaran waaxettite; taappe tamaarite; intte shemppuwaukka  
intte shemppo demmana. 30 Aissi giikko, ta qambbarai giiga; qassi  
taani inttena toosidoogeekka kaushsha” yaagiis.**

**Solomona 2:10 & Hoosea 2:14,19,20**

**2 Qorontoosa 11:2 Xoossai qanaatiyoogaadan, taanikka intteban  
qanaatais; aissi giikko, taani inttena issi attumaagau, Kiristtoosau  
immana gaada, geela7otettaara de7iya geeshsha geela7eedan  
giigissa wottaas.**

**Exodus 3:14 - Ibraawe 13:8 Yesuus Kiristtoosi zinekka hachchikka  
merinaukka laamettenna.**

**Hoosea 13:4 - Yesuusi Kiittidoogeetu Oosuwa 4:12 Asi atotettaa  
Yesuusa baggaara demmanaappe attin, hara o baggaaranne  
demmenna; nuuni a sunttan attanau bessees; aissi giikko, Xoossai  
saluwaappe garssan asassi immido hara suntti baawa” yaagiis.**

**Yohaannisa 15:14 Taani inttena azazidobaa ubbaa oottikko, intte ta  
laggeta.**

**Yohaannisa 14:6 Yesuusi zaaridi, “Ogee, tumainne de7oi tana; ta  
baggaarappe attin, ooninne ta Aawaakko baanau danddayenna.**

**Aijuutaa 3:20 Be7a, taani karen eqqada xeesais. Ooninne taani  
xeesiyoogaa siyidi, kariyaa dooyikko, taani akko gelana; gelada  
aara issippe kahuwaa maana; ikka tanaara issippe maana.**